

LI BASSE (Scusèz-m’, Limaurtine ?)



O tins, djokèz-vos don ! Eûres d’ aujes
 Stopèz-vos d’èvoler foû !
 Lèyèz-nos ièsse ène miète binaujes,
 Èt profiter d’ nos pus bias djoûs.

Tro d’ misbrîdjîs sont droci à somadjî.
 Rolèz, corèz po zèls,
 N’ purdèz avou vos k’ lès-èradjîs,
 Sins roviyî lès fêls.

Dji pièd m’ tins à dmander ène
 rawète,
 Lès eûres s’ foutenut dès uch,
 L’ nût èrva. V’la dèdja pa l’ bawète
 Lès rés do solia ki muche.

Ayèssans, bètchans, boutans ! Di l’
 eûre ki coûrt,
 Ardant, profitans !
 L’ome n’a pont d’ pôrt, l’ tins à todi
 soûrd.
 Nos, nos passans.

Djalot tins, èst-i possibe k’cès
 momints d’ bouneûr
 Èwou l’ plêji nos bêrce dins sès
 waches,
 S’èvolichinche ossi râde ki lès cias
 èwou l’ maleûr
 Dès djoûs au long nos rabache ?

Kwè ? Nén moyin d’ è nn’aurder ène
 neujète ?
 Kwè ! passés oute, tèrtos pièrdus ?
 L’ tins ki nos lès-a dné, c’ tins ki nos
 lès skète,
 N’pout k’après nos lèyî strindus ?

Todi assatchî pus lon paus-ayèssâdjès
 Dèl nût sins fén, èvolés sins disdu,
 Faut-i don, à fwace di prinde di l’ âdje,
 Dmèrer à rtûzer aus djoûs pièrdus ?

O basse ! l’ anêye a pwin.ne fini s’ carfire;
 Astoz dès waches k’ èle volève rivoye,
 Mi v’la tot mërseû achîd dsus l’ pîre
 Èwou si sovènt vos plîz l’ voye.

Vos bwêrlîz pa padzos lès spèssès rotches,
 Èt tant lès wachoter po lès mète à skètes
 L’ vént sititchéve li chume dins lès potches
 Èt l’î stinde pa nukètes.

On swèr, vos sovnez-v’ ? nos èstîne à nawî;
 Nélu brût à ètinde dsus l’ èwe,
 Dzo l’ cí, rén k’èle, lès cèrîjes tofêr à mawî,
 Èt bén è têter l’ kèwe.

Tot d’ène trake, dès noûs mos avint tchèyu
 Po mia rabrèssî lès costés ramouyîs,
 Lès waches avint choûté; minme k’ on a vèyu
 Lès râmes lès mia fouyî.

Ètèrnité, nèyant, passé, sombes traus tot mwêjis,
 Kwè fyoze dès djoûs k’vos nos scrotoz ?
 Dijoz-m’, n’ porîz nos rinde cès munutes di plêji,
 O èsse bén fini po tèrtos ?

O basse ! moyatès pîres ! Traus ! Nwârs bwès !
 Vos ki l’ tins sipargne o minme rimince
 Aurdèz c’ nût ci, aurdèz-l’ bén au rcwèt,
 Aurdèz po l’ mwins s’ rimibrince.

K’ ça fuche dins vosse paujêreté, vos orâdjès,
 Bèle basse, dins lès bouchnisses di vos gripètes
 Dins cès deûrs cayaus èt cès âbes sins pont d’âdji,
 Tinèz-l’ bén à pèrpète.

K’ ça fuche dins l’ tène vént ki frumejîye èt r’passe,
 Dins lès brûts d’ vos waches dsus lès vîs stos,
 Dins lès stwèles ki s’î riwêtenut pa masses,
 Lèyiz-l’ dimèrer on còp po tos.

Ki l’ sint-bon d’ vosse êr ki ravigote,
 Ki l’ fouye ki trianne, li plouve ki tot rinètîye,
 Ki tot c’k’on oye, k’on vwèt, k’on ètind, ki gote,
 Dijinche : “I s’ vèyîne voltîye !”

On saye di continuer à tot comachî...